

樊

山

集

樊山集卷二十五

恩施樊增

鏡煙堂集

起甲午七月
訖乙未四月

定興中丞六十生日適奉

恩命權西安

用軍餉奉賀

四首時又有征倭之詔故末章及之

羽扇牙旗兩入關
南山獻壽萬人歡
添籌卽用琴邊鶴
箸錄曾驂嶺外鸞
幕下蓮花爲近侍
釜中蜃桂是常餐
弦歌不輟桑麻秀
百二河山處處安

起家州郡望巍峩
都典諸方鬢未皤
身佩金符謀國久
胸如明鏡閱人多
西王桃實三千歲
前輩蓬山十五科
唐宋節麾皆入相
宣麻行覩侍延和

天際銜書紫鳳回
中丞新拜大行臺
典兵北府書生面
留守

西京上將才三輔風雲開玉帳八旗子弟奉金鼎防秋府裏
雙都護齊拜金狻座下來

聲欬風霆出尙方征倭 明詔下堂堂遠人句麗方求定近
事琉球詎可忘會見降王出東海豈無名將嗣南塘知公未
了淩煙事擬斫長鯨作壽觴

訊王太令

吏散花陰午巡檐雨筍鞋酒嫌夜來惡書問體中佳秀句題
新竹疏巾挂古槐底教妝閣裏長怨太常齋

趙九經厯演後村十老詩爲上下平韻三十首其老僕
云故主才華博穎士相公稱謂改東坡殊典切老醫
云歲月也應三折臂死生本出兩無心殊詼詭亦賦

二首

長貧歲月幾銷磨飯飽朱門厭客過鄰肆交情賒酒易小園
功伐養花多少從君實今爲相舊儷樵青久作婆東閣郎君
曾索抱貴來不敢喚摩訶

右老僕

爭傳鍼石效如神偏以芭蕉喻自身肘後有方多誤寫壺中
無藥療長貧門楣未便同劉客漠漠惟憂負伯仁龜手是誰
蒙上賞白頭愁煞繹沈人

右老醫

屠敬山庶常文章爾雅爲壬辰一榜之儒散館改部曹
僕意殊不平頃袁爽翁寄詩有次敬山韵一首卽用
元叶貽

袁蓋屠之房師云

無人能解子雲玄悔讀南華第二篇中秘緹油偏獨靳左司
衣鉢儘堪傳煙霄不少斜飛翼進奉原多上水船終是太微
宮裏宿勝余治邑等烹鮮

爽秋調子常詩有樊素貧求去樵青酒斂愁之句戲作

一首亦東方譎諫之意云

王郎樂府三妹媚且起紛紛畫眉翠君家處仲猶開閣况卿
面鼻非雄異豐臺一花不願南何不早嫁論家計太常一月
總齋期柳宿兩星各心事女君風格林下清填詞遠過趙明
誠更有樵青深竹裏茶煙微綠月籠明種花須種冬青樹買
姬休買河間婦好教琴客別宜城莫待他年嫁阿鷺

納涼作

院落無燈蘚履階移牀箕踞傍庭槐涼雲渡水難成雨薄電
依山未轉雷柳隰徐看雙鵲定竹深時有數螢來大田更比
相如渴何止思量露一杯

齋居

竹粉新泥換碧紗
經函香枕似僧家
飯餘不用檳榔子
一盞南川厚朴花

偶檢敝篋得三十三歲小照感賦

少年輕俠過江東
吳下人知舊阿蒙
馬客磔鬢龍叱撥
爭人低髻唱玲瓏
神傳裴楷三毫裏
鬼在梅詢兩足中
十七年來還墨綬
折腰慙對漢三公

黃葉江南舊有家
向人無奈整烏紗
鄉心苦憶瓢兒菜
官品

低於鼓子花

川宋妓龍觀事

條鏃何當縱秋隼
冠襟強欲飾磨麕
祇

餘一事快人意
五十年頭髮未華

雲生納姬蘇氏舊家女也
屈於妾媵意有未安以詩諷之

少姜聲子古稱賢
繼室春秋義炳然
絡秀事人身自屈
羊欣

步上集卷二十五
三
作婢我猶憐玉臺縱少芳華怨妝閣應多勸進箋贏得民間
瞻黻佩縷衣心感杜樊川

冰叔於官署旁澹湖葺宇寄題一律

明湖新拓浸緋霞仙眷風流聚一家一碧全栽水楊柳千金
難得旱蓮花

見韓致光詩

能浮畫檝島頭水不隔薰風蟬翼紗蘇

式窗扉三十扇看君著意綰秋蛇

傅夔堂大令重修驪山行館卽華清舊址也奉題一首
五鳳添修只等閒華清宮殿在人間青紅映徹玻璃水紫翠
堆成寶石山花底琴笙鳴玉溜雨餘簾箔暈湘斑更煩搗麝
搓酥手別構芝龕堊阿環

懷靈光寺僧

伯故益剋晚乃皈依被教

馬上飛騰四十秋晚依佛火隱深幽種松已作龍鱗鬣欹枕

猶存虎髯體南海潮音銷妄念少林技擊是真修於今平壤
邊烽急陸法和能領眾不

松下生公舊講堂打鐘掃地送流光蒲團尙夢從軍樂齋鉢
時聞煮狗香珠串多收人頂骨藥丸能療世金瘡由來作賊
多名士洗脚輪君早上牀

送彭秀才還鄂

黃鵠翩飛向鄂城壯遊已徧漢西京蓮花玉女能無戀醴酒
元王尙有情黃紙帽箱經雨敝白藤書笈渡江輕憑君爲寄
西州草持贈南中幾弟兄

時以拙集託寄仲
修藍洲省菊諸君

寄子培比部都門

斜街敝屋揜荆扉燕坐翛然杜德機門外青山常比瘦池中
玉水自生肥閒情顧曲甯妨道餘事爲詩亦造微東海鯨波

今壁立顧榮羽扇可輕揮

濮紫潛同年入直軍機奉寄一首

莫憶杭州十景坡古情今思一時并鏤青尙注花間集踏白

休論海上兵肘左垂楊秋後愈

君嘗病臂

掌中春草夜來生

幸負通掌

制諸夢掌中生草

近來七制縱橫手誰似君房有盛名

中秋夜憶中兒北闕鄉試

晚庭紅燭豔秋光鬢黛齊添拜月妝兒女也知金粟貴競攀

盆桂領天香

大兒操筆試京華今夜燕山月最佳記我兩隨鄉舉後桂叢

三十一番花

余甲子就試丁卯領解今三十一年矣

東園

官舍東偏石徑斜小廊回合檻籬遮僮僈澆醉日移來竹兒簪

春分接過花朱閣尚留如客燕綠池還沸在官蛙數峯醜石
堪人拜約略園亭似米家

暑退東堂事事幽淡雲微雨作新秋窗紗自綠聽鵬館燈火
初紅待雁樓雕玉一雙爲帶鈐蠟銀半兩製茶舟久從方外
看司馬未害人間有督郵

秋齋卽事

窗竹鳴秋未忍刪半瓊廬裏鎮蕭閒露花豔漬薔薇水香木
全雕旖旎山滕閣真形鐙幌上蘭亭縮本硯屏間小胥偷記
新詩去說向人前一破顏

偶見同治初元百葉感賦

無聊閒理舊巾箱說着宮車泣數行誰識當時同治厯元年
紀號是祗祥

江南樂四首

盡道江南樂煙波處處佳
圓亭如草笠方艇肖蒲鞋
紅藕花中鷺黃梅雨後蛙
尋常榜人女羅袖玉爲釵

盡道江南樂江鱸佐舉杯
鸕鷀取魚去謝豹喚鰕來
筍脯瑩如玉藕絲碧勝苔
石花和海月銷盡謝郎才

盡道江南樂名園履屐紛
起樓閣五步看竹過三分
花覆琉璃水香成樓閣雲
波光與嵐翠終日互氤氲

盡道江南樂清芬六代遺
色香酷奴勝風雅萊傭知
水閣家
家畫僧樓處處詩松陵終古秀豈獨一天墮

再寄冰叔

平原帖裏粥甌貧承旨齋頭雪水春
鹿脯須求新好者羊羔
莫污點烹人城中輾轉傳眉嫵
鏡裏徘徊照領巾誰識芳姿

圖扇工古釵筆法用王珉

村寺小憩書見

傳馬嘶荒堡疏鐘蕩遠林僧牆畫龍獸卦棹直角切演星禽社
祭剛分肉村顰亦捧心暮歸趁新月煙樹幾重深

李虎娃詩

虎娃年十七渭南義城里人客作彭某與其母楊姦
併汚其從姊虎手及之到官伏故殺罪終不言母姊
姦事余白於憲司得減徒

艾豸創鉅不能噪斷取仇頭請法曹弱姊汝真慙李壽孝童
吾欲薦楊牢二年薄罰輸薪粢七子寒泉洗佩刀不少沈寃
牢戶底爰書出入慎秋毫

界之將還商南以九月三日瀕行阻雨詩見示漫和一

首

唱到陽關第四聲
臨歧何意雨留行
女花重九開猶未
娥月初三畫不成
欲采芝房歸綺里
久傾桑落厭蒲城
東南日出朝霞麗
應傍秦樓笑鬢生

曉行見紅葉

快馬輕衫趁曉風
林霏吹綠溼濛濛
鞭絲幕入江南畫
一樹新霜映水紅

林邊村落暖秋光
麥隴全青穀穗黃
梨葉恰纔紅一半
情知白影采爲霜

雨中乘輿至臨潼

輕雨吹殘綠意濃
肩輿緩緩犯西風
垂簾低睡無人喚
似在

苦雨

豈是青天漏秋河挽不回
訟庭行着屐印牒冷生莓
園果爛方熟離花卧亦開
米家好山色水墨潑成堆

雨止作

吹笛聲中霽色佳
頑雲如墨一時回
焙乾衣帶憐金縷
漏溼書籤惜玉杯
澹沱花如新病起
徘徊月似故人來
棗紅麥綠家家喜
穠酒擲成手自開

登韵酬李洋縣

神仙官府那憂貧
裘點亭臺鏡裏春
雙槩自歸花外水
六房俱是景中人
題詩石上雲生筆
燒筍林間雨墊巾
若爲洋川添故事
蚤將酬唱付青珉

再題洋川亭子寄李明府

煙波明麗似江南
菱白魚香且細參
水竹地居十之五
詠觴月必再而三
盤餐早晚多紅藕
庭戶清虛納翠嵐
拈出天機雲錦句
爲君添墨寫雲藍

君摘與可句屬余書
橫額曰天機雲錦

寒夜

半臂輕絲特地單
燈枝垂粟裊銅槃
藏棱書擬玉釵角
脫手詩如金彈丸
古帙有香生靜坐
和醅無力敵初寒
誰知閉戶陳無己
盡斂心光養內丹

西屏畫茗花春雨
填詞圖併貺佳什
撫今追昔次韻荅
謝

舊事淒涼隔楚煙
尙將綺夢託游仙
垂門那有藏鶯樹
負郭曾無聚鶴田
烽火崎嶇瘦子國
歸裝潦倒犬兒年
祇餘一川茶花白
湘編幾幾百丈牽

辛酉壬戌間始還宜昌貧悴甚
甚茶花數本乃自湘中載歸

綺窗初晝綠蛾煙玉茗花時態欲仙愛好蕭郎持粉帛含愁
新婦鬻脂田甲子歲彭恭人來歸以匱資爲養柳絲綠到湔裙地燭淚紅深
應舉年屋漏聲中掩書坐煙蘿如帶手頻牽

已拚投老卧江煙慚愧人言更是仙打點茶茸烹夜雨供支
麴米賴官田馬曹署職非初意燕寢凝香勝往年好蓄俸錢
營五畝綠蘿溪畔釣筒津

多君湘管埽輕煙舊是詞場白石仙早擲兵符歸白社晚思
別業寄藍田功名已付諸裨將詩靈猶師兩大年楊億趙令穰散
盡黃金仍作達往時情事莫縈牽

有感

薄海爭擎萬壽觥鯨魚跋浪起東瀛乾坤黯淡風塵色臺省
紛紜水火爭玉塞已亡常十萬瑤池新謫董雙成冤旒休御

夢山先生集卷二十三
排雲殿狼籍沙蟲滿舊京

冬初詣河北卽事成詠

清渭冬來水不肥
綠煙漠漠散林霏
嫩灘龍背參差出
遠樹牛毛卽漸稀
嫁女有人牽犬去
弄兵幾輩買牛歸
渡船盡橫鼓祠下
大似西陵舊釣磯

有會而作 十一月朔

身形元是一雕儒
蕉萃休爲楚大夫
按劍誰曾曠照乘
流丸久已止國史
牀敷燕息銷諸妄
溪谷蟬嫣洗八愚
萬事由來崇止足
前朝後廣信吾徒

齋居卽事

曉樹留青女
虛堂號綠君
饗寶無宿餽
判事少深文
茶綠惟烹
玩澄香每卧
聞晴曆佳氣入知是華山雲

窗紙冰油薄瓶笙雪水春石如醉道士金鑄瘳詩人炭鑿成
獅狀屏風寫獮真紅醺暖甜酒把卷閱冬春

十一月初九日再宿賀氏別業用去年韻

駐馬見新月流暉射人目地爐有活火坐具皆文木此閒非
花源風氣半華樸微聞道旁語去年曾此宿主人相勞苦疏
野少邊幅豐年氣象好併巨若車軸茆店黍飯香霜田麥根
綠向來惡少年不敢事雞跣喜茲鷹眼化酌酒南頭屋誰何
染藤紙云是板橋竹稍欣槩几淨未厭油燈濁坐聽風爐聲
悠然茗花熟

初十日冒雪回縣再用前韻

疲馬怯轡頭驚禽睨羅日凜風粟凍肌微雪縞羣木畫意得
王維小詩稱周朴健役走且僮情農飽不宿平疇積輕素劃

若帛有幅鈴馱噤無聲牛車笨折軸林柿逾舊紅菰哇失前
綠散若蝶趁花聚爲獅踟踰衣莫如重裘帽不宜高屋最憶
瑤池宴幽哀詠黃竹鬢髮西母寒吟聲洛下濁歸對鐵燈檠
陰符已爛勢

是日同年賀主事約共飯不赴三疊前韻

君居去別業
十里所

伊人隱潛水名不挂除目臨流築草堂千章蔭喬木通籍二
十年讀書師抱朴朝畫遠山眉夜傍梅花宿烏角胃釵鉤紫
毫寫裙幅懷中昌勅書不肯上鈞軸同年偶萍聚坐俯渭川
綠有意置薤本無詩湖皮踰朝來具雞黍候我溪邊屋坐惜
塵事勞不遑看庭竹同是一畝泉底分清與濁莫笑蜀魏三
相逢半生熟

潘蓮巢畫大士象

眾芳國裏蓮居士亦寫宗門淨妙心可是龍眠逢鐵秀頓超
馬腹畫觀音

感事 十一月望日

急詔徵兵衛 帝闕嚴風朔雪賦車麟朝廷貂錦恩何重做
邑牛韋犒已頻何必十羊煩九牧信知一鶚抵千人毛君不
在中書省猶解刊章活小民

懷栗園

任教人笑虎頭癡坐愛歐公洗墨池倘過無爲應拜石必逢
有道始書碑侍人萱草偕芳草歌曲楊枝閒竹枝慎伯己亡
攜叔逝六朝筆法只君知

聞安侍御謫戍軍台

晝伏青蒲白日昏 聖朝終自恕狂言四夷酋長爭傳稿太

學諸生欲舉幡幸免髡鉗輸右枝猶聞帳飲盛東門出關預
辦灰釘去更擬與尸諫 至尊

寄爽秋觀察

備兵湖熟意蕭疏百寶光陰歲再除江外政煩經國手
御前曾草答蕃書劉家甕椎皆文士范氏官庖但釜魚東海
揚塵何日靜占星中夜起跼蹐

安般籥裏靜焚香法嗣西江復見黃古意時聞飛孔雀微言
誰解述羚羊精於劍器瀏澌舞嚴甚茶家法律湯我亦晚年
希淨妙雲門斷餅愧新嘗

壽慈伯師六十晉六生日

出操霜簡入擎經臺省紆回髣尚青椒掖妃嬪呼德雨草堂
賓客應台星藥將芝草延年壽花要寒梅作典型孤憤對煩

說東事玉杯春酒帶龍腥

鐵冠聲續起儒林前席 君王聽玉音朝望平津翰汲黯門
才典午首王沈繡衣值內春寒淺諫紙留中 聖意深俊句
名章滿天下貞元初起到如今

紫龍髯拂玉紋茵四十年來住輦塵冠樣嶽嵴方子夏甌香
黯淡瀉翁春早思辟穀從松子晚笑爲縣是槩人閱盡紅羊
燕白馬歲寒留得後凋身

玉貌方瞳畫不如明霞天際卷還舒露章獨効燈籠錦風致
猶臨玉枕書白雪樓中同調少朱雲檻下結交疏何年載酒
青溪舫同食江東土步魚

得董文敏書王烈塞上曲二首輒次其韻

鳳凰城下夕烽微鴨綠春寒望寄衣爲語隴頭白翎雁銜書

莫向海城飛

鹵騎平臨紫邏閒
陸沈已失復州山
男兒不繫單于頸
直待和親用玉顏

再和二解

金州再陷鼓聲微
礮火光中委鐵衣
往日白狼城畔路
一冬不見海青飛
十萬橫行朔漠閒
吾家老噲氣如山
嫚書奏罷還無事
婁敬諸人總汗顏

新歲遣興

乙未正月初六日

五十華年髣未斑
深杯竹葉自蕭閒
屏身太史三長外
得計江郎五短閒
隴麥尙封殘歲雪
峰蓮遙見別州山
吏民共有空軍彩
勝晶燈互往還

寄俗最重送燈

人日

人日題詩笑口開
當花且盡掌中杯
綺窗梅萼先春動
石鼎松聲引夢回
巧塑獅蠻隨節令
淡烹龍鶴試羹材
泥孩竹馬盈香市
似踏山塘七里來

寄調爽翁

玉腕新承柳黃紉
夙放衙窗臨交讓
樹屏畫合歡花風
格俱林下篇章亦
大家東方千騎上
夫壻最妍華歸自
秦淮水煙波楚夢
搖釋名仍海綰道
侶得雲翹寫偕金
爲字徵歌王截簫
雙鬟引喉處最後
唱龍標

上元日渭南縣試先一夕携中兒寶衡入宿試院

華燈四照天無河
璧月暉暉流素波
茲爲闔門最初地
多士進身試始
必自縣騎吹鹵簿爭
駢羅試廊東西雁
行列三楹紙閣如
盤

蝸焚香埽地設卧具小憩堯夫安樂窩憶昔飢驅躬負米屢評
試院煎茶水倒屣不少東諸侯競爲穆生設醪醴揀來滄海
幾明珠埽禿中山千兔尾館穀多分鮑叔金擬程寫貴洛陽紙
青雲墜翼十六年風塵瞋目嗟華顛青燈故紙暫相遇雙瞳
巖電猶爛然學儻四百課尉律如對明鏡呈媼妍蠶稀不費
吳娘手弓弱難隨后羿肩吁嗟乎兒輩不諳破賊事海上兜
烽照天地二十萬人不解甲却進諸生試文藝

閱卷藏書

祇餘拾唾常八九排沙揀金裁二三綿州附子無真種祇是
尋常杜漏蘆

重有感

士馬如雲盡倒戈田莊回首失嵯峨懿宗噤瘁偃牆久葛亮

倉黃帶汗多痛惜八千兵不返浪誇十萬劍橫磨書生更不
如劉秩那便輕當曳落河

盡拋肘印去磨幢勝算惟餘走與降中旨未聞收謝萬後軍
誰見馘王雙大言空指黃龍府羞面難窺鴨綠江禁裏廉頗
殊未老奈何遺矢向東邦

五千貂綺喪鯨牙太尉全將錦被遮不遭朝衣向東市猶持
故節領長沙荒涼鹿迹吳將沼辛苦狐裘魯始髭咫尺江東
羞不渡憤王雅量故應差

官渡枋頭更不如強顏猶自緝金符功名總讓韓擒虎謂宋軍門
巾服依然華子魚博負可憐神沮喪歸來何限鬼揶揄南朝
叔寶清如玉爲問心肝定有無

混俗一首和爽翁

石霜行者供柴水多少塵中未了緣不薄人間三語掾亦陪
天上大羅仙鈍槌日日鐘勤打紗帽時時茗一煎常住不知
今幾臘焚香洗鉢過新年

比年朋舊凋謝同輩中如羊辛楣朱鼎父葉槐生黃再
同王可莊俱年不過五十朱曼君不盈四十鄧鐵香
齒稍長亦不及六十而歿感賦

舊雨凋傷絕可憐黃公壩下草如煙政黃牛與端獅子三十
年前俱少年

玉樹青蔥委路塵衰楊轉作後凋身只應野史亭中叟收拾
中州策裏人

爽翁重修滴翠軒奉和二首

往日一軒凌翠嶽於今萬竹起蒼煙掃除靜院煎茶地俛仰

春風食筍天黨藉聲香三不朽僧家夏臘幾何年坐令風月歸懷抱何止滄浪四萬錢

袁絲妙墨鐫珉翠中夜江聲助慨慷

君有滴翠軒記極論當日黨既寄慨深遠謫

籍數人關治亂蠶煙千里嘆存亡讒夫抵死讎元祐國是寒心到靖康今古憑欄憂不細却回巖電看扶桑

青城詩一首寄爽翁

併序

爽翁表章酈縣菊潭以爲桃源亞匹然嘗讀東坡桃花源詩序云舊說南陽有菊水水甘而芳居民三十餘家飲其水皆壽蜀青城山老人村有見五世孫者道極險遠生不識鹽醢而溪中多枸杞根如龍蛇飲其水故壽云云是酈縣青城坡嘗對舉之以况桃源既賦菊潭不當遺老人村也作青城詩三十韻寄之

吾蜀青城山亦是桃花源遠與人世隔雲嵐不可親入山忽
平曠茅茨比如鱗聚落數十家厥名老人村飲食用粗粳誰
讀惟典墳不雕太古璞恒多百歲人抱村有清溪白石何磷
磷水若琉璃滑石如瑪瑙紋溪上多枸杞飛泉漱其根樹頭
結紅子掇食益精神既食飲溪水頗酺溢芳津坐致彭聃壽
常懷堯舜仁有男壻東家有女妃西鄰各各相親愛世世爲
婚姻翁媼髮如雪笑言共夕晨膝前十歲兒乃是五世孫何
者爲離別何者是苦辛田不納租稅饒不蓄金銀了無盜賊
警焉知胥吏尊鹽酪不入口羅紉不加身忘機到漚鳥戒殺
及雞豚有魚無網罟有樹無斧斤多種金絲柳常馴雪色猿
深山無厯日圓時長若春芳土柔如麵細草煥於茵雜花紅
如錦美酒喜盈樽吾欲巢其間同爲懷葛民道書時一讀男

報莫相聞下界聆雞犬遙遙在白雲龍蛇任起陸吾驢方閉門

吳堡彭大令見過

記曾聽雨灞陵秋攬轡雕陰更北游一夜霜紅吳堡樹五年
雪白蓋公頭老來畫境尤奇絕君善繪事意外詩窗得少留明日
渭城西去路長春風柳不勝柔

二月初十日行縣至小石村馬上作

平疇如砥試鳴鑣暖帽茸茸未卸貂二月輕寒猶有雪一溪
新綠已平橋芳梅尙作孩兒面弱柳全低舞女腰爭怪春光
滿芳甸嫩晴天氣近花朝

寄李塾厓用前年簡雲生韻

二李先後臨二曲君才何處不相宜狂來自可兒文舉到處

人爭母杜詩桃葉生男工寫勝

令子十歲能作擘窠書

梅花有壻不能

棋生稍欲寫瑤姬照合倩君家老伯時

效楊仲宏二首

拂曉晴簷宿鳥呼起看花影滿庭隅
睡棠頰似楊妃面帶草長於謝客
鬢舊曲玲瓏歌審姐新箋滑笏寫官奴
風簾雪壁無塵土閒展仇英仕女圖

綽約春妝出內家清朝浣手汎新茶
宮紈葉撲雙飛蝶小玉休拳半拆花
腰細帶輕全似水臉勻脂重不勝霞
蕭郎半格詩尤好索寫烏闌護碧紗

寄懷諸十一兄蘇州並訊鄧夫人二首

鶴書催上九重天却反滄浪水石閒
萬卷消磨雙鬢老干官暖熱一身閒
戲爲陸吉黃甘傳淡畫銅官離墨山
猶有英心

以諸將早催飛騎出榆關

卅年兄弟擬同懷別後難逢笑口開
韻事閨房題墨竹離人隄首憶江梅
絳紗弟子誰都講玉雪佳兒幾秀才
定識青綾帷帳裏解圍還念小郎來

和東坡三適詩用元韻

旦起理髮

四鼓珥貂蟬往朝明光宮嗟彼貴人頭
甯知有甘松旦起沐髮已坐睢柳下風
侍人進象櫛百結皆疏通江南解散髻
裏掠勿怱怱好簪花三朶不罩紗一重
如藥師刷馬翦拂尾與髮更愛玉搔頭
功與烏爪同時時自爬剔麻姑良易逢
寄語武安侯長孺非禿翁

午窗坐睡

吾愛頭著枕美於印懸肘晴日可一窗春愁竟何有橫柳旣
消食華池嚙且久茶聲猶在耳書卷未離手幾局岳老棋一
中徐邈酒聊鄉信寬閒靜者故多壽借問導師誰宰予真不
朽吏人前白事朦朧拒勿受此心了無着悠然忘淨垢少焉
蝴蝶甦還復爲莊妄

夜卧濯足

朝困告莫靴夜納青綾稠絺巾時洗濯庶免皴痂憂銅餅吟
松風清若黃鸝鵲注水浴斛中褚師轍不留到窗月悄悄垂
箔風颺颺洞庭在尺咫笑以雙鳧投偃僂就檠燭微寒添竹
篝盡祛重臄疾暖氣蒸蒸刮以金剪刀頓令重趼瘳更剪
桑林爪絀逾刻棘猴

庚寅歲居京師摘汪鈍翁句爲爽秋書楹帖云丹穴乳

泉皆異境黃甘陸吉是幽人然不解下句之義以問
悉師子培亦未僚也頃閱避暑錄話乃知宋人所爲
綠吉黃甘傳指柑橘言蓋仿毛穎而作時悉師已下
世愴然久之作詩寄爽秋子培

杜陵無字無來歷近世堯峰襲積深別傳佳於毛氏穎庀材

碎比謝家金古書靜坐常思誤

陸字本作錄余謂當從陸姓爲是

僻典酬勞

孰勸斟

趙陞北晚年每就洪北江質一事則勞酒一

莫擬靈雲傳聖解先生離別

一沾襟

同僚書札多改雲門爲禹門又訛禹爲雨近更有作榮

門者感賦

豈是宋郊觸讒忌亦非劉向嘆蹉跎填詞久已稱三影照水
無妨現百坡呼以馬牛俱可應別爲魚虎任沿訛伯言姓字

聞天下奈爾虛郎憤憤何

書憤

廟堂強半利和戎大計安危屬相公
九節度師俱戰北七防
倭鎮盡朝東密輸情款中行說斷送河山左
企弓遼瀋舊京
天下重 國陵佳氣夕陽中

陸沈

不分神州竟陸沈
鯨牙高啄海雲陰
平章尙謫擎天手
義士寧忘蹈海心
鑄錯六州煩聚鐵
罷兵九牧更輸金
君家世世修降表
始自南唐直到今

馬關

海上無勞解議圍
七牢改館駐驂騑
僞顛冉猛顏何厚
濺血唐睢事總非
恨不歸元從白翟
豈真傷首類緋衣
度關不用

雞鳴客賣却盧龍掩面歸

格天閣裏說和我此亦周公與魯公今侍樓船持使節昔從
襁褓授儀同天津杜宇啼春暮都尉鴛鴦戀虜中爭怪可汗
頻賜宴郭汾陽是親家翁

春暮至孝義鎮

穀雨前頭已斷霜煙村如畫柳成行陂隄曉放能言鴨沙地
春肥細肋羊野飯從容桑樹下肩輿消領菜花香達官習氣
騷除盡手板惟應署楚狂

深春

開徧荼蘼日漸遲深春庭院下簾帷花無可賞偏憐葉柳不
勝柔盡挂絲酒漬五加聊却病茶名百損獨宜詩悠悠世事
吾誰與惟有中條隱士知

曉起中庭行散

四月朔日

庭前四株槐風葉自軒舉綠煙散清曉初陽媚晴宇漸迷乳
鵲巢未有新蟬語溼翠沾人衣知是夜來雨薔薇一兩窠疏
紅相媚嫵一奴持竹帚淨掃花下土眷此久凭欄角巾澹相
仁還復理瓶笙芳茶白於乳

消夏作

水榭東頭柳浪西窻扉掩映碧玻璃鷓而多智巢常穩杏子
生仁葉始齊杭轉一方便美牖扇搖六角有新題冰心最畏
人閒熱莫遣衣冠病夏畦

卽事

漣鹽酥豆伴黎祁批牘才終午飯遲一棧山陰女兒酒溫涼
剛是適中時

安榴紅開紫微開綠煞庭心雨後苦辛苦朝朝賣花嫗梳頭
時節送花來

番僧過渭貽藏香一束

梵眾薰修後官身染觸中香名桑甚紫鑪試海棠紅麝修
常貢牲牢愧短供旃檀劇馨烈吾意欲俱東

吳李悉伯夫子十首

彼蒼何意喪斯文木壞山頽不忍聞北斗一星寒吏部東流
諸水赴河汾彌留室裏聞香氣奄忽空中降鶴羣老去侯芭
慚負土天西無路哭揚雲

茂陵秋雨卧相如多病時時賦子虛身似芭蕉叢眾疾心如
椰子納羣書蔽賢兩府能無過問字諸生慟有餘爲問南園
籬下犬何心不作仲宣驢

朝回深閉草玄亭四海儒流見典型郎欲潛時師漫浪學從

困後識深寧

公所居曰困學樓

叩門使者求遺稿就木奄然執孝經

贏得傾都冠蓋集焚香齊拜草堂靈

深衣久染禁城塵身是蒼姬柱下臣元相格詩經 御覽鄴

侯鎡骨本仙人老來服食需靈照身後巾箱付阿新驄馬入

臺餘五載蓋棺縹緲不勝貧

一入南臺著直聲霜棱震動漢公卿屢陳政要師貞觀未覺

衣冠逮廣明宣室夜虛梁傅席東窗陰記李光名歿而猶視

疾桑島衙石千年恨未平

兼事起而公已病欲有所敷奏而不屬九月三日與祥書云此當

發書猶視者也

廣大宗門用意深并包文苑及儒林自舒聞見成遷史人以

膏肓待鄭箴箋啓每如江夏意篋書能轉贊皇心殷勤勸付

麻沙木關尹年來俸有金

自敘平生說苦甘詩家仙聖得同龕

公自道所學以詩爲第一堂堂日月

端明殿戀戀江湖老學菴百戰健兒居廡下

公嘗引虞道園語曰余爲百戰

健兒而自居黃廷老吏

讀書種子斷江南虞山駁雜新城淺持較先生

總未堪

風流承旨愛煎茶玉塵絲絛似道家太白已歸鯨海月小紅

休嫁馬勝花夢中割斷江郎錦酒畔銷殘定子霞

朱生先一年化去

華髮門生張水部忍聽二婢泣琵琶

三十年來骨肉情禮堂言語記分明仙山他日從余隱家事

而今聽子行坐久春風成隔世立殘夜雪付來生董陵下馬

公知否悽絕山邱痛哭聲

北望燕雲總淚垂春風塔院把離危

辛卯出都之前兩旬無日不共談譚卽路之日

公與漁筍止清送至坐看朗月還思我欲理元言恰共誰執
天寧寺抵莫始別
紉那能千里送招魂已覺五旬遲公歿於十一月二十三日
今年正月十日始得訃書
傷心九月初三字卽是鱣堂絕筆時

挽朱曼君孝庶

朱游早歲過東都五鹿逢君折角無潦倒春風傷蓆帽沈吟
秋雨註陰符清詩近比曹仁虎駢語前惟駱義烏猶幸早騎
遼鶴去不看戰血灑寒蕪君佐金州軍幕累年東
事起而君不及見矣

挽葉槐生進士

君庚辰中陶後未與殿試
歸主敬業書院者十年

彩毫未擬試明光一席名山歲月長八口共叨宮觀祿孤懷
惟戀水雲鄉賦成袁淑紅鸚鵡夢吐揚雲白鳳皇反覆秋鐙
看塵尾不將中壽乞王郎

韻事流聞贈寶釵茗香團扇共徘徊春風綠井溝琴去夜雪

紅房取冷回盧李從來門戶貴秦徐終古死生哀華山畿畔

鴛鴦塚連理花應歲歲開

君婦於舅氏伉儷最篤悼亡未幾尋亦逝世

挽朱蓉生侍御

君主廣雅書院病歿

一出霜臺歲月深談經投老判浮沈徐生中論無齊氣莊舄南冠自越吟通德里門高北海擊瑤疏稿出東林龍逢地下相持泣九死無移報國心

挽同年羊辛眉太守

粉署爲郎十二春才名京洛舊知聞妍詞人唱黃梅雨妙墨家傳白練裙落第江東餘忿狷改官山北少移文如何絕代凌雲手哀詠淒涼屬細君

白鹿翩然夾雨輶蠻煙曾不損風流文章金管衆銀管仕路刀州復劍州解竹仍行留府事看花難忘少年遊

君庚辰出都之前一

樊山續集卷二十五

三

夕子與爲長夜之飲他日語子春明一別如天遠腸斷炎荒
珍云雲門齋樓之饑至死不忘
桂樹秋

卷二十五終

樊山集卷二十六

東園集

起乙未五月
訖丙申十月

恩施樊增祥雲門

奉懷張尙書師金陵

手提三十六英雄坐使丹霄日再中
勲業明時光玉鏡身形
暗裏護紗籠臥龍抗表需籌策
司馬登朝仗樸忠江漢滔滔
誰砥柱迴瀾力障百川東

扶桑日暗海揚塵移鎮金陵控枿津
繡象平原求死士發蹤
蕭相是功人大航朱雀屯千騎
絕塞盧龍值幾緡夜起占星
候狼角勝棋樓上月如銀

礪馬登壇誓已成諫章終遣四夷驚
鄂王有面慙軍旅

岳武穆和

議成賀表云口誦詔

范老填胸自甲兵已見尉佗雄割據

劉

淵亭

更教蘇季約連衡

謂許竹簣閣學

虞庭妾婦看蕭呂獨畏江南

臥虎名

管記臨川跡已遙，心魂猶逐廣陵潮。
關中有地棲王猛，幕下知誰似郗超。
數欲題詩東閣樹，一生得力下邳橋。
欲知吏部英光迥，夜夜中天見斗杓。

送府主定興公總制四川

殷宗深倚濟川舟，萬里長江此上游。
玉節遂開三幕府，謂撫
秦督珠躔初定五諸侯。時和議甫定
欲教鶉首圖王會，先遣龍驤領益州。
江漢東趨誰砥柱，夔巫門戶費綢繆。

五月流金驛路賒，旌旗迤邐出褒斜。
啓中茶火三千騎，關右香煙百萬家。
憂國重聽金雁雨，愛才多植玉蟬花。
朱子京筆記玉蟬花
唯蜀中有之
一名石蟬
十年手種甘棠樹，勿使邦人翦拜加。

上京飛電說和戎，諫疏星馳悟兩宮。
烏寇敢輕中夏主，

漢廷休策奉春功衣冠典午風塵裏 園廟長沙涕淚中安
得三千水犀弩盡迴海水莫朝東

記託清塵二十春向無人薦陸平原纖驪宛轉逢知己一鶚
殷勤獻 至尊未得長卿歸舊里

公欲辭借行礙於原籍而止

終然小范

戀恩門他時若用軍司馬臣是淮西載筆人

得仲獎徐州書頗及時事賦此代東

幅裂河山事非開緘惟是淚沾衣黃金有意填滄海快劍

無人斬月支撤戍秦兵援隴急

時有花門之變

附書江雁過淮稀

屢寄

拙集皆不達

柴桑居士無懷侶不幸生逢晉義熙

奉懷黃副都丈汴梁

僦宅金梁月似霜懶開老眼看扶桑暫紆車騎尋朱亥不假
文章動孝王思穎徑辭神虎去飲江終覲佛狸亡真長元度

相逢處

謂許仙屏師

說著新亭泣數行

驚坡兩世遞揮毫玉樹英英甲第高洛下袁安對袁敞梁園
枚叟挈枚皋堂前進食無甘鮮門內傳衣賜錦袍異日推枰
忘折屐還將破賊付兒曹

得爽翁書却寄

書言蕪湖稅收奇絀

絕島稱兵饋運艱近聞籌筆損朱顏地形已列三雄鎮租調
機勝七下關唐六典二十六關上關六中關十三下關七海禁久封姑孰米鄉心
長繞富春山東腰我亦憐長帶何日開籠放白鵬

寄孫彥清同年司鐸長興

湖州教授號人師今屬風流孫會稽吳舫有詩吟暮雨沈樓
無賦作雌霓風清顧渚茶香遠歲稔烏程酒價低無分山陰
同踏槩蘭成蕭瑟在關西

春明舊事忍重論
酒賦琴歌幾弟兄
不分黃花俱向晚
可禁綠葉更銷魂
橋頭斷碣尋姑嫂
姑嫂橋在長興明祖與張士誠戰處
壁裏遺經授子孫
詞調應劉多不在
急尋靈藥護生存

讀王王秋采芬女子墓誌題後

根葉因依共一舟
素馨斜畔想風流
采珠夜渡青鶯水
粵中十二其一
讀曲春深白燕樓
未嫁息嬌饒語笑承恩合德自溫柔
文章澹雅歸熙甫
獨爲寒花淚素秋

題吳僧寂住山水畫

從師乞得自由身
鉢帽隨緣住世塵
落日每來歧路口
自將白拂指迷人

壽晴谷六十

仙陽紫氣溢秦關
斗岱聲光仰面看
劉蛻十文十如意
王筠

一集一遷官庭羅謝樹皆奇寶室有萊妻共歲寒剛與
女堯同甲子笙歌聲繡滿長安

九嶰山色曉蒼蒼士女爭擎介壽觴義取紫駟隨劍几

杜詩紫駟

隨劍几義取無虛歲謂李邕密文所得也

清吟白鶴伴琴堂酒斟仁壽宮中醴花

發瑤臺寺裏香自署關西夫子號遂令學派識錢江

竹王莊

鹿溪省覲同州假道渭南損詩見惠次荅一首

心隨渭水俱東注手撚崇蘭奉北堂匹馬關山詩境仄繁霜
身世髣髴蒼花溪地僻無錢買河渚名高借酒藏惆悵白雲
在天際南牙無分挹清光

又追和岐山冬夜

聽盡蕭蕭鐵馬聲新亭淚眼幾時晴胡笳夜傍愁邊起塞草
春從戰後生遼海競開都護府冰天誰築受降城似聞海外

新頒朔鴨綠君臣不忍更

雨中

長日無公事閒身得小眠
繙書尋政法鈎幔放茶煙
花裊風驚蝶槐疎雨滴蟬
此時齋閣坐不飲亦陶然

伏日涼甚偶書

綠翳花單換簾筠紫髯拂子淨
窗塵遲生筍是後君子新釀
酒稱中聖人咸閑聊欣增祿米
夏涼曾未去冠巾風標若使
傳圖畫不是天隨定季真

寄王廉生祭酒

纔見液池集鵷鷺却回渤海斬蛟龍
卿環久已窺天上頗牧居然出禁中
狂寇猶尊紫北海中官亦敬傳南容
歸朝天子虛前席莫問和戎問徙戎

書劉聰傳後

遮須國主出平陽題署風流翰墨香典午早知今日事李中

堂改愧賢堂

漢有堂曰李中聰
改曰愧賢見禁編

書王昭遠傳後

慷慨提兵不顧身手磨如意岸綸巾自方諸葛原非妄却是

當年仕魏人

用魏得
狗事

再訊彥清

水晶宮畔露荷新最憶先生烏角巾春甕撥雲餘酩酊練裙

書字見風神詩如吳下簪花女客有湖州賣米人

湖州賣米
周青士靈

隱和尙
句也

皋社吟朋散如雨鑑湖花發爲誰春

懷歸一首寄仲夔

湖南江北不同春桃李栽成世事新百里都爲停待境幾時

同作閉關人好營草屋香溪側且著黃冠鏡水濱縱食鱸魚
恐忘味沈寥天地正風塵

題畫二解

竹林五君子流杯日酣醉切莫著山王恐敗稽阮意
淵明避督郵解帶就閒曠不如劉子德繫著馬柳上

縣齋偶題

三年剖竹萊公里畏壘庚桑自昔聞百里地名田水月一生
心在華山雲庭前鬱鬱生芳草牘尾時時綴小文俊逸詩篇
滿關內被人呼作鮑參軍

鹿溪辭鳳翔講席寄訊一首

拂袖翩然去鳳翔穆生甯畏楚鉗傷揮金不顧貧能俠酌酒
無多醒愈狂自署散人遊汗漫極知臥佛倦津梁幼安避世

夢山齋集卷二十一
五
愁無地今日遼東是鬼方

秋興

亢官常早起窗對竹陰開草綠如人意花黃助酒材元蟬抱
樹寂新雁帶書來舊雨勞相憶酬詩亦費才

偶見吏人坐松下因贈

翰林故事惟香茗御史經綸但縮蔥何況白頭老書佐故應
危坐聽松風

過崇嶺鎮

八月初三日

綠樹圍村緩轡過高原百丈俯清河豐年傀儡盤鈴隔生計
良田善馬多旣雨白雲生澗曲始秋紅葉點巖柯少年佩犢
真無賴擬授西征殺賊戈

時隴事未靖

秋夜讀蒼雪詩題後

滇南徹公詩有名澹如秋水涵虛清又如老松幹鐵石修蘿
引蔓垂蕤英天寒草木盡堅瘦枯淡中有春風生蟠桃三千
年一熟褪花杏子難與爭茆菴坐閱甲申事又見滇池盜神
器徑乘蘆葦過江來借宿南朝雨中寺交游眉公及駿公絳
雲一老恆過從吳兒慎莫輕貧道王謝當年在下風禪燈一
盞茶鎗熱照見詩心皎如雪家在春山何日歸花開湖路輕
相別一夜花開湖上路半春家在雪
中山徹公佳句漁洋選入詩話冗官日夕親簿書嗜公
詩句如秋鱸持較癩可定誰勝蔬筍氣息公則無高秋簷雨
瀉鳴玉坐誦拍盡百八珠安能盡屏人閒事飯罷溪頭洗鉢
盂

賀人生子

昔曾駿馬換娉姪今見香綢繡玉嬰人似國花開正午子如

仙李應長庚房櫳玉燕來佳夢譜牒青箱署小名他日早持
六國印阿翁駘背願郊迎

車中作

北客年年車馬疲
鉞揚身自作南箕
平生來往江南路
祇用輕柔櫓一枝

書臺北事

堂堂幕府卽離宮
坐踞三貂氣勢雄
豈謂解元唐伯虎
不如殘寇鄭芝龍
蜉蝣天地波濤裏
螻蟻君臣夢寐中
十日臺疆作天子
凝旒南面太恩恩

攝生篇

昨者腹疾同河魚
晨起照鏡滋清臞
我不解醫解自療
瓜歎艾灸非所須
一龍二氣三鹿盧
乘蹻復與葛翁殊
晚食安步

寡言語玉池眞水常清腴千憂解散時借酒半日靜坐還談
書冠帔總集列仙傳雲山隱現眞形圖內翰解帶襲僧衲右
丞素食羅園蔬將身喻作菩提樹養心湛若摩尼珠勾漏丹
砂葉令覓上界甯論官職和君不見天上蟠桃有時有火中
蓮性無時無

寓省門護國佛寺有懷少舟大令華州

寺屋爲少舟所賃

蕭齋挂塵榻是我故人居階前雨修柏清籟鳴笙竽老衲喜
客至低眉問訊余山僮亟汎掃炊玉就齋厨泥深沒衢巷時
在金耳車秋霖積五日庭桂紅無餘駢肩轅下促疊跡府中
趨晏歸聽禪誦塵夢甦遶遶眷言念之子退食拊香鑪蓮花
數峯雪映爾牀中書安得招琴姜駕言游太虛

客去書寺壁

八月二十五日

閒就禪燈拍念珠一珠一佛費工夫君看越淡逢燕本冰雪
蓮花雨不殊

逃偈曾爲付鉢人菩提樹下渺前塵一千年後香燈社重現
曹溪最後身

謫向人閒十五年未離銅墨已華顛江鄉煙水平如掌宦海
茫茫划甚船

靴衫膠擾對親賓違已由來足病人好辦焦糖并粟飯幅巾
歸去祭身神

坐衙偶述

平生雅慕循良傳一視終難混莠苗俗薄木雞猶解鬥謹愿者時

亦捐

德涼水蛭恐難消今夏屢患腹痛有情剩種桃千樹渭南桃甲天下無

事休撩葛一條折獄原非佞人事隴山鸚鵡不須驕

偶憩一廢寺僧指佛像曰此沈香也戲賦

玉座生苔佛火銷唐碑仆地草蕭蕭兩廂不見伽藍侍可是
山僧煮狗燒

黃皮裹骨一常住手招經珠不知數打鐘掃地三十年祇知
佛是沈香做

新羅山人畫馬

一株風柳明晚暉一馬散放無鞍轡沙明水淺莎草肥長鳴
引首秋雲飛山人故是不羈馬畫馬肯畫黃金羈四蹄卓錫
雙耳竹顧瞻八表知者希同時綠螭及紫鸞天閑供奉爭驅
馳有時一蹶落沙漠亦有臥病求散帷韓幹休矜照夜白李
晨愁進望雲騅主恩從來秋露薄瑤池宴罷八馬疲何如此
馬林薄閒夕陽寫影高如山自尋苜蓿向沙苑不將沈沐煩

奚官吁嗟乎神物不爲世束縛桓溫駕馭甯非錯我才千里
常自珍不願人閒有伯樂

李復堂草蟲便面用元均

李詩云機聲軋軋月初斜似此蟲聲又一家曉起空庭尋

未得夜涼依舊咽秋花

露葵黃煞四娘家坐聽蟲聲到月斜記得兒時逃夜塾竹陰

深處飼瓜花

螻蛄食南瓜花

棗樹東頭阿那家蕭蕭絡緯井欄斜五更風露無人聽涼煞
籬根扁豆花

九日寄仲彝徐州

渭水東流不到淮嘉辰分薦紫萸杯秋風一試持螯手落日
遙瞻戲馬臺酒綠花黃人未老天青雲白雁初來爲君笑整
烏紗起更擬登高門賦才

偶過東園和去年壁間作

兩衙前後亦何爲，掃掠平臺置酒卮。
石徑三條園竹虎，地衣四角壓香獅。
送迎人客常稱病，勾管差科不礙詩。
若畫東籬須著色，菊花香裏坐支頤。

讀道書

睡起閒尋道藏看，欲憑瓊訣保朱顏。
近來心事無多許，祇在丹瓢藥鏡閒。

讀佛書

前身應是善詩僧，縱飾冠巾尙鶴形。
忘是儒生忘是吏，轉珠惟誦藕花經。

午窗

日傍午窗睡黃棉，暖意回倦扶卯酒坐。
醒喚亥茶來佛手，薰

衣馥菖蒲近硯栽冥心幾羅預已陷寶猊灰

肝疾久不愈感賦

髯翁肺府鬱槎枒危局如棋着着差

聞俄索膠州德索定海

病匪菜肝

和鼃瘕事同腐蝨敗桑花好音無復黃龍酒苦趣惟斟白鶴
茶手戟靴刀何所用悶持鼓杖學參撾

九月十五日大雪

乙未九月望開門雪覆瓦玉礮瑤階積已平蝶翎鶴毳紛來
下自朝至晡天雨花千里百里鋪銀沙渭南三萬八千戶猶
蘇不爨如凍鴉高天厚地顏色改西盡崑崙東渤海千羣鐵
騎僵花門百丈瓊鼃死遼海老夫興酣雙耳熱臂鷹欲赴南
山獵仰射錦雉必洞胷生擊黃鷹堪飲血胡然閉置車帷中
一州拘係曹景宗品量鹽絮效兒女政與王家新婦同黃花

始識滕六面賀以白酒三杯醺燈火熒煌炫夜光風霜個強
擣秋艷此時鬣更寒不鳴此際酒惡思魚羹誰呼錦帳彈箏
伎誰念鐵甲在邊兵非黨非歐渭城宰紗帽煎茶自瀟灑金
盞暖煞紅麒麟且就糟牀擘巨螯

戲效口吃詩四首

柵北月玦缺菴南山鐔尖輟食咽側柏沈酣涎甜柑一啜笠
澤雪言叅旃檀龕脫幘答客曰盤餐嫌冠簪

資菴垂葳蕤萑苕斂宛轉茨離嘶飢麋薺檻偃悍犬奚知妃
豨詞勉展琬琰卷茲詩誰爲之儼噉橄欖館

近人噉橄欖館
稍語多奇澀

右疊韻二首

雨餘逐圓月閨閣共光輝蛛綴真珠帳螢淹豔玉衣紅酣花

幌閨粉覆樞房肥輾轉昭州枕

五代詞昭
州新退紅霞宵信息稀

賃第兒甥里捐金簪如家羞尋交頸繡好護合歡花進酒兼
江橘商詩煮浙茶憐郎恁伶俐小顏現新霞

右雙聲二首

雙聲絕句

雨意油油玉葉雲愁鴛花額喚黃昏簷牙月影搖煙影不辨
枇杷白板門

自嘲

生本煙波舊釣徒無端塵夢落西都
三令尹猶寒乞謂曩
平近宰咸甯渭南奉一先生自暖妹射虎愁逢灞陵尉解貂難付酒
家胡景宗飲慣黃摩血新婦帷中耐得無

得子培京邸書却寄

火有蓮花杓有鸞君纔典屬我烹鮮天邊雲鶴誰能縶地上

風蛇且互憐臺省定無三坐處功名休算小行年人閒此日知何世擬上松陵放鳥船

洛下機雲著述身

兼謂令弟子封

綵衣將母住京塵稍沾

御廩塵

牙稻最憶秋風雉尾尊遇巷幾時魚得水觀空一任馬生人會稽曳杖消搖後

謂越綏師

秉筆惟君繼獲麟

再寄子培

世事如碁百樣新十洲天地黯煙塵論才自信仙非鬼箋夢全離想與因桑海古來無此變鳳城今日有何春請君細數三閭後直到同光幾恨人

同年譚復堂先生主講鄂中惠寄樊山集序敬賦長句
答謝且申卜鄰之約

杭州湖山天下無名城十錦錢王都中有異人抱仙骨聲名

震盪瑤光樞出入國風及小雅誦法老先祧宋儒主盟中夏
四十載百川赴海爭灌輸吹噓枯枿得春氣扶獎龍驤登天
衢頭銜七品雙鸛鵲王公屈膝禮數殊皖江出宰歌來暮焚
香酌水調琴柱頭上那識咸陽王口中不道袁公路勸課桑
麻酒一杯滋培桃李花千樹門子能吟竹馬詞女郎盡織弓
衣句督郵敗意歸去來西湖鷗笑爭猿哈門生畫捧籃輿出
阿段朝攀石耳回里塾文章求甲乙上公詩彙待刪裁已教
儀儼傳家學更得清娛侍茗杯鯨波斗起扶桑海老淚新亭
幾揮灑名士深憂白馬津相公眞寶盧龍塞胥潮八月打錢
唐湧金門外山容改遞劫爭尋玉筍花登陣盡授明光鎧湖
山密邇蛟鼉居何地可寄梁鴻孥舊宅不歸王謝燕故人勸
食武昌魚樓船戔戔汜江上梅花爭媚扶風帳設醴依然過

楚元傳經一再煩劉向屋後一角騰脂山苜盤朝日何圓圓
臺郎競致烏皮几 天子應頒笏籀冠我昔春明與君別鄂
城再見頭如雪每將猶龍喻老氏亦荷獬兒獎孫策難忘嘯
詠庾公樓尙思歌舞岐王宅新婦解下龐公拜舊遊刺與龜
年說袖詩送我秦川行老懷歧路難爲情煙霜五載鬲關隴
掉頭不見高堂生篋中新槩樊山集序詩乞取湘東筆品目
遠過司空圖聲價高由皇甫謐江城寫書付秋雁何以報之
錦繡段唱和頻添汐社篇酣呼甯識神亭戰海內譚李雙崢
嶸我所師事皆服膺長庚夜墜蓬萊驛專席從茲屬杜陵元
黃天地稍清晏聞道執珪憶鄉縣我居西北尙風塵安得白
劉數相見庾郎最憶江南春鱸肥菰脆等歸人清波門內三
閒屋終與白鷗來結鄰

步山齋集卷二十六
三
與西屏夜話

官舍依遲似靳驂
鐵燈檠畔味醺醺
十年說劍逢鷗九
小雪披圖認葛三
情話互斟陽羨茗
書題惟念洞庭柑
詞人不合關中老
心似秋鴻總向南

疊韻荅西屏

宦游久駐渭城驂
斟酌官壺酒味醺
竹柏庭中人兩箇
珍珠露下月初三
一行玉雁誰橫笛
滿握紅霜始破柑
總把黃金媚朝貴
那能更學杜征南

十月初八日夜坐東廂看月偶成短章以後牖有朽柳
偏眠船舷邊爲韻

桂樹生庭前
修桐蔭屋後
軟風吹綠煙
明暉溼戶牖
半鏡粉雲蝕
云自秦時有
繞樹烏欲棲
照書螢已朽
坐覺欄影移
輕

霜點禿柳

月與雲來往人坐柳東偏玉繩低欲落胡牀殊未眠門橫蟾
啣鎖衣領貂爲船隴戍知隨馬吳歌想扣舷青天與碧海桂
子落誰邊

初九夜月下用前韻

月在簷簾閒霜清菊花後排闥類故人清光入疎牖峭寒夜
詩骨羣卉復何有獨有青桂枝歷冬長不朽靈藥尙可乞無
爲嗟蒲柳

栽花一畝宅梧竹劇幽偏風中熟香散石上焦尾眠掩斂菱
花鏡遠巡藥玉船誰撼紅牆笛誰繫絳河舷天孫并月姊應
朝

阿母邊

慈聖萬壽是夕

初十夜月下聞署外伶人演劇用九月望大雪韻作歌
月出松巔霜蓋瓦輕裘暖帽松窗下一甌綠雪泛輕花流暉
滿地篩金沙樓臺上下浸瑤水驚起柳邊三四鴉氣候斗覺
冬春改底處歌兒唱小海驕喘兒女說中郎爨演鬼神迎柳
澥花奴鼓打春雲熱仿佛將軍渭城獵滑稽似炙酒干鞞忠
義宛飛侍中血此時煙霄月正中頗憶羅遠從辛宗瓊樓玉
宇高寒極鈞天夢境將毋同 朝廷近日憂西面花門月冷
愁雲醞雪壓天山戰馬暗酒行玉帳瑤姬豔時牛嶺挈眷而往不聞
士死左轂鳴徒聞驕將爭羊羹近日棄何兩軍互鬥回中乘其後掠去軍械不少回中
不少白頭賊洮河各擁防秋兵犬羊無人事屠宰聞鼓聲聲
淚空灑月平照愁亦照歡且聽琴聲走大蜚

燕國生男總象賢兩昆江表力擎天平生雅信涪翁語太傅
功名是偶然

賀陳藍洲大令罷官還浙

竟拋簪紱戀鱸魚顧我猶爲轅下駒無分從君歸白社大難
將母住西湖山中驛擔觀棋劫雨夜舒繚了畫逋歲歲香花
賽樂布問君忘得漢川無

讀邸鈔書後

年少金張貴絕倫晚猶沫泗託婚姻鬪鷄場上佳公子孔雀
屏中小聖人國是艱難逢五鬼海山荒習媚三神羯奴大有
排牆手免窟區區不庇身

兩世王門倚舊恩姦賊狼籍眾知聞麾金自結中常侍載酒
頻過左阿君荆棘滿庭忘挂礙芳蘭當戶徧鋤耘祇今冠帶

教閒住漢殿誰爲請劍雲

再閱邸鈔

長沙持節太恩恩 詔遣歸吳類轉蓬侯白徒爲士林笑陶
朱不失富家翁暫將湘郡還溪狗尙以衙亭擬蜀龍此去石
頭城下水莫爲明鏡照司空

一牀錦被蓋平生漫以浮雲蔽 聖明咄咄殷源真怪事堂
堂夷甫但虛名朝廷追論熙河罪史氏深譏馬邑兵終是
盛朝惜榮劍放教長水事躬耕

香燕歸裝捆載來閣名多寶一時閒及身貴不如秋瑟免死
恩猶逮玉臺愁坐有時箋小品不眠終夜望三台欲爲車蓋
亭中語恰少新州故相才

每聽吳歌喚奈何無慘古器日摩挲鈴山孔雀文章盡闕閣

河豚膾炙多下第子衿揩淚眼失恩宮女畫愁蛾貴人失意
都如此一夕秋風鬢已皤

食冬筍

華州青玉生較晚楚萌鰾鰾趨隴阪船唇驢背捆載來千錢
纔可致十本童牛蘭角何森監稚子錦綳嬌宛轉青簪筒中
玉糗緞繡行纏裹香鈎暖老饔食指昨已動凌晨饗子青門
返我官渭川蕃竹樹風煙千畝歸句管拊摩鱗龍不忍食君
子庖厨取諸遠紅鹽和醋淬新芽翠茗淪湯開嫩眼此君妃
耦未易求勿以狐禪叅玉版冰魚作饌白於銀雪蕪爲奴香
一翦我吟僧詩清到骨胸次自知湘玉滿雁飛儻寄故人書
爲報湖州剛晚飯

余作食筍詩末用與可得東坡書噴飯滿案事詩成而

仲葵徐州彥清湖州兩書俱至文章有神交有道信
不誣矣卽用前均寄兩君

會稽竹萌苗春晚十里風香扇蘭阪五年不飲女兒酒祇覺
乾苔生舌本孫陶英英竹箭材宦遊大似秋蓬轉琴嘯不抵
簿書忙松桂那如桑柘暖戲馬臺前呵殿回水晶宮裏觀荷
返鷗天渺渺越人檝鳳吹遙遙羸女管胃中都有渭川在書
來不覺長安遠嶽雪照字盡明珠關柳於人最青眼虎溪一
別已惆悵那更袍靴束手版爲題詩句寄東南雨滴松窓拋
燭翦終當笠澤繼三高茶甌常溫酒常滿雲門寺裏餽餅焦
彼此歸歟趁僧飯

戲疊前韵憶華州筍寄李少舟

玉女峯前竹色晚盜筍艱於丸上阪

華人筍禁甚嚴窮
諸市者皆盜泉也饋角

初生裁蘭栗那許楚材充腹本華筍大裁如荆與湘產迥異剛從苔縫虎

爪鉅剝置盤心雁頭轉我僕騎馬苦求索百里承筐空往返

華距渭都言大雪損簫材不見疏攤鬻鷲管今年雪大傷竹羨君坐

衙對少華燒筍林中香不遠客來絮羹得羊腍君款客恆至渭南割羊

身自注湯澆茗眼曾無葡萄遺貴人肯使錦綳隨手版惟我

與君不肉食幾番春韭雨中翦定將釵角脍書尺發篋開緘

蒼玉滿前生簾影寺中人東坡與劉器之在簾影寺奉玉版禪切勿邀呼喫

飯

謝少舟惠符四疊前韵

天陰欲雪渭城晚駉馬如飛丸走阪綳嬰百輩附書來士相

見禮持竹本禮記士以竹本象可也或從本字斷句桑隕今爲犀株動飢腸昨

已鹿盧轉穉龍班班列我前頗使阮公雙眼暖瑤札大書復

細注篚筥實來愧虛返翦黃科緣由君心輔相化機天不管
試遣竹姑脫紫苞玉箸頭書不相遠君書最工朝餽爲我將羊顙
夜警從渠窺麋眼初皆以篚繞之君家黔筑我夷陵兩處衡門欹白
版溪頭茶樹碕丁摘花下青蒿蠶婢剪四月朱櫻薦寢時連
山好竹香風滿何時歸去綵君堂東軒共喫家常飯

聞悉伯師庵岁有日感賦

傳聞得地賀家湖寔石爲鄰道不孤夫子骨爲藏櫝玉門生
淚盡感恩珠湮亭大鳥悲楊震江左微星失謝敷吏部有文
光日月更將銘誌付吾徒

得彥清同年惠書及詩述舊抒情終以公侯干城相勗

次答二首

渌雁將書背雪飛難忘松雨對牀時索居心厭白題舞相和

歌成黃淡思江水一千三百里

乙亥冬君由汝州徑鄂還浙期余往會

永和四

十二人詩

指丙子江亭丁丑龍樹之宴

少年南北同酬唱忍見霜黃鏡裏

髭

虺不能摧蛇已成望霓難慰隴人情都無小范胸中甲誰繫
單于頸上纓羽檄遠徵袍罕戍狼烽近照赫連城庾郎大有
江關意忍聽胡笳出塞聲

再悼恣師

人生總蟬蛻夫子獨神仙白鶴悲遼海青牛識故阡一碁終
玉局三歎付朱絃歲晚彈流水知音委逝川

周懋臣府公止宿縣齋清言竟夕奉呈一首

蘊簾深映燭花紅杖履欣陪六一翁黃菊禁寒香晚節青梅
有味數英雄華嚴長者存高論公是先生善折衷老去東亭

仍作椽黑頭知己負桓公

入此月來積陰不開既雨復雪漫成長句

積陰十日天如墨垂垂凍雨沒車轍北風有力大如虎吹起
天山一丈雪粲粲瓦當千玉箸政似醺頭新酒滴安排暖閣
襲重裘出入寒廳響雙屐黑雲連峰入太陰舊儀匿曜愁人
心隴軍望援兒望乳腐旗溼鼓無光音 朝廷發卒又三萬
前軍已過臨汾縣濁河駭浪高於山戰士裂膚馬生趼嶽蓮
大路鼓荆棘泥深五尺沒馬脊大府徵車二千乘西征六十營營三十
乘而餉運在外秦民無衣守空甌一馬民閒費十牛一車萬錢不掉
里民每供一車行坐各頭價約需錢十五六千駟車載兵血淚流歸來不飽粥一
甌中宵仰屋者誰子道州示吏亦如此胡床八尺藉虎皮身
似吳蠶眠復起

爽秋同年寄示無名氏和余馬關之作再賦四首

珠槃歃血訂新盟，掌上河山瓦注輕。
夜燧已寒貂嶺戍，春潮猶載鴨江兵。
面諛冒頓爲驕子，口頌泉男是大兄。
若使鯁瀛行懋賞，皋屏先記相公名。

賣國牙郎復賣婚，虜庭爲贅亦爲臣。
漫誇武子名通國，誰料平妻不福人。
妾覲晉陽飛犛蹇，終然齊帝殉猊麟。
君看天水冰山錄，血浴東樓草不春。

扶桑島上候台星，館伴伊藤介井馨。
龍伯持竿頻我餌，馬留說法竟誰聽。
愛憐狔犢求旌節，接引鯢魚入戶庭。
杯酒春帆樓上語，時訂約於春帆樓何殊典午夕陽亭。

璫冠承刃事非真，敗面微之莫共論。
頗恨狙椎擊不中，穢誇頽髓補無痕。
太師十客誰遺恨，司馬雙鬟故妄言。
用司馬懿詐稱風疾

令兩婢俠侍
莊李勝事

兵法古來虛是實
歐刀待汝玉津園

馬關四首

無名氏

雪門先生作此詩極工麗因和之卽效其體

萬古如斯公案無高那肱以此情輸裏驪判擲填仇壑
牛耳欄言保帝都颯爽萊公原欠術森嚴南董豈逃誅
靖蜒洲上千奴笑辱酒從污率相鬚

秦割商於裁六里一流頓盡媿張儀兒曹粗解鮮卑語
虜館頻傾服匿扈熊野花開徐福笑雞鳴關出孟嘗遲
亶洲應有王戎磴那恤黃圖悉索疲

元氣神州日夜彫吹唇沸地佛狸驕平章軍國眞兒戲
談笑威儀復褫貂無賴鄭飛虹得嬾胡顏蘇武節還朝
陶侃平臺城之亂譏王導曰吾妻臺下奔騰水不洗牽
蘇武節似不如是導大慙色

羊使者銘

蒼海胥濤爲不平
郝君心術未分明
有人夕賣盧龍險

俄頃朝捐鹿耳城

一作甘心忍賣盧龍險濟惡俄捐鹿耳城

和璧難期秦柱

返鴻毛肯換太山輕
阮公湛醉六十日
有女如何肯與

兵

未用王藍田斥桓宣武語

次荅爽秋

渭水西風吹素波
把君書尺奈情何
垂楊大有金城感
綺語曾無鐵秀訶
龍驕有時周溟滓
蟬緩何意乞覓我
英遊恨不隨吳榜
飽看金焦雨點螺

懷雲門

袁 昶

清渭滔滔東逝波
秋來樊子意如何
鍛鸞不改稽生儁
射虎何嫌溺尉訶
天遠秣陵餘綺麗
雲開蓮嶽鬱嵯峨

舊游勝有樊山在江上千重隔浴螺

和詒晉齋隗囂盃歌

偶得阮文達扇面成親王書隗囂歌云隗囂宮中盤數枚秦州山

山農耕出者杜老吟時殿已空悠悠况復千年也白水眞人老兵事得隗望蜀心猶且飄燈小雪照題詩磨墨阿瞞臺上瓦因次其韻三首

有泥不封函谷關陶爲飲具胡爲着想呼文淵人臥內舉酒相屬豁如也建武天子御金甌度外置之亦聊且千年耕出土花碧不作昆陽屋上瓦

賢王縑素滿天下此詩持似儀徵者尊葬屨屐積古齋胡不並收天水也品題石鼓王善謔余得阮刻石鼓文有王題跋之王耶傳刻棗木吾姑且余所收明以來墨蹟不少擬槩而刻之得扇更望持盃來莫笑貪如楚囊瓦

錢勰欲石復欲畫吾亦人閒好事者佳詩一字可不嫌况在

少農卷握也

次署芸

吟弔井蛙何慷慨綰結春蛇無苟且和

詩剛遇雪晴佳涼月一波起樓瓦

出城送客遲久不至戲前韻

平明出轡紫駟馬誰識夷門抱關者如雪冠蓋道相望叔度
之來何暮也土牛負乘故遲重沐猴著冠亦強且徑須歸卧
日三竿莫把行藏問龜瓦

懷人詩四首

九旬韋帶陟三公曾是高陽第幾龍今日復堂控黃鶴風霜
好護後凋松

仲修同年

風痹初起御茶甌拂曉江光入郡樓欲識 廟堂眞學士僭

翁禿鬢在宣州

爽秋同年

花底紉書獨閉關竹林繁露伴蕭閒玉皇定自思賢佐待起

文昌八座閒

子培此部

樊南隨地挂流蘇乞得崑山綃竹符教唱石湖新樂府小紅
倚笛尙生疏

遲鞠同年時新蒞崑山

題復堂先生札尾

餘事臨池鍾蔡俱唐時院體未能如白頭病臂高南阜滿紙
猶能左手書

公書極似高西園

盡室南來避寇鈔禰生洲畔駐蘭橈諸郎漫擬元和脚學得
鸚哥字字嬌